

**Aningaasaqarnermut Ataatsimiititaliap suliaq nr. 01.31.06/08-00326 pillugu ulloq 7. maj 2008-mi aalajangiinera pillugu Naalakkersuisunut ilisimatitsineq** (Naalakkersuisut ulloq ulloq 23. april 2008-mi ataatsimiinneranni imm. 2a)

**Inatsisartut ataatsimiittarfiata allineqarnissaanut aningaasaliissutinik ikilisitsinissaq kiisalu suliaasanut allanut aningaasaliissutissanik pilersitsinissaq**

Naalakkersuisut **inassutigaat**,

- kontomi pingaarnermi 84.45.01 Ilagiit, aningaasaliissutit 2.224.000 koruuninik amerlineqassasut, agguarlugit suliaasamut 016.58.044 Oqaluffik, Ammassivik, 1.200.000 koruuninik aamma suliaasamut 100.58.045 Oqaluffik, Aasiaat 1.024.000 koruuninik.
- kontomi pingaarnermi 87.73.22 Mittarfeqarfiit & Mittarfiit, aningaasaliissutit suliaasamut nr. 082.25.182 Terminalip illutaata allineqarnera, Kangerlussuaq, 6.500.000 koruuninik amerlineqassasut, aamma
- kontomi pingaarnermi 80.00.01 Nuussinissanut sillimmatit, aningaasaliissutit 7.897.000 koruuninik amerlineqassasut.

**Aningaasaqarnermut Ataatsimiititaliap oqaaseqaatai**

Ammassivimmi Aasiannilu oqaluffiit iluarsarneqarnerisa aallartinneqarnissaanut kiisalu Kangerlussuarmi terminalip illutaata allilernerneqarnissaanut aningaasaliissuteqarnissamik suliami matumani pineqartumi Naalakkersuisut qinnuteqarput.

Kangerlussuarmi terminalip illutaata allilernerneqarnissaanut suliniummut atatillugu naatsorsuutigineqarpoq nakorsiartarfeeqqap nuunneqarnissaa Peqqinnissaqarfiup ilisimassagaa, naak isummernissamut tunngavissiaq malillugu Peqqinnissaqarfik tusarniarneqarsimangikkaluartoq.

Oqaluffiit palasillu illuisa iluarsarneqarnissaannik pisariaqartitsineq pillugu oqaatigineqartut eqqarsaatigalugit ataatsimiititaliap Naalakkersuisut eqqaasissallugit kissaatigaa suliaasaqarfimmi ataatsimut pilersaarusiortoqarnissaa suli pisariaqartinneqarmat. Suliniutinut ataasiakkaanut allanik aningaasaliissuteqarnissamik qinnuteqartoqannginnerani pilersaarut taamaattoq Aningaasaqarnermut Ataatsimiititaliamut saqqummiunneqartariaqartoq isumaqartoqarpoq.

Suliniummatt missingersuutinik B-nik pigisaqartoqaleriarpat sanaartornermi suliniutinik aalajangersimasunik aatsaat aallartitsisoqartariaqarneranik oqaatigineqartut Ataatsimiititaliamit isumaqatigineqarput. Tamanna avaqqunneqassanngilaq, tassami missingersuutit C-t siusinnerusukkulluunniit missingiinerit tunngavigalugit suliniutinik aallartitsisarnerit misilittakkat malillugit kingusinnerusukkut aningaasaliissutinik annertoorujussuarmik sippueratartoqarsinnaaneranik kinguneqartarmata.

**Aningaasaqarnermut Ataatsimiititaliap aalajangiinera**

Siuliani oqaatigineqartut tunngavigalugit Naalakkersuisunit inassuteqaatit Aningaasaqarnermut Ataatsimiititaliamit **akuerineqarput**.

Inussiarnersumik inuulluaqqusillunga

Augusta Salling

Aningaasaqarnermut Ataatsimiititaliap siulittaasua